



**Komuna e Klinës**

**Zyra e kryetarit të Komunës**

01Nr. 06-23817 2024

Klinë, dt. 30.07.2024

**PROCESVERBAL**

**Nga takimi i kryetarit të Komunës, z. Zenun Elezaj me qytetarë, mbajtur me datë 25. 06. 2024 në ora 10:00 në Sallën e Kuvendit të Komunës.**

Mbledhjen e hapi kryesuesi i Kuvendit z. Fadil Gashi i cili uroj mirëseardhje të gjithë të pranishmëve në takimin e parë me qytetarë të kryetarit të Komunës, z. Zenun Elezaj.

Kryetari Elezaj në vazhdim tha se në pika të shkurtra do të bëjë një përmbledhje të punëve dhe rrjedhjes së parasë publike për këtë 6 mujorin e parë të vitit 2024.

z. Zenun Elezaj, kryetari i Komunës: Ne kemi marrë buxhetin e aprovuar nga Kuvendi i Komunës i cili për vitin 2024 është në vlerë prej 14 milion e 648 mijë e 717 euro. Po jap disa shifra se si kemi ecur me implementimin e kësaj shume. Kategoria paga dhe mëditje është 7 milion e 936 mijë e 857 euro. Nga kjo shume kemi arritur që të shpenzojmë 3 milion e 436 mijë e 934 euro ose 43.93%. Kategori tjetër e rëndësishme është kategoria e projekteve kapitale që në total është e paraparë për këtë vit në vlerë prej 4 milion e 649 mijë e 27 euro dhe prej kësaj shumë janë shpenzuar deri me tani 1 milion e 662 mijë e 223 euro ose 35.75%. Mallra dhe shpenzime, vlera e buxhetit të aprovuar për këtë kategori ekonomike është 1 milion e 742 mijë e 648 euro, ku nga kjo vlerë janë shpenzuar 855 mijë e 614 euro ose 49.1%.

Kryetari Elezaj tregoj edhe për vlerat e shpenzuara në kategoritë e tjera në detaje duke e përmbledhur me grandet që vijnë nga qeveria e që janë 13 milion e 212 mijë e 457 euro dhe që janë shpenzuar 6 milion e 670 mijë e 233 euro. Ndërsa nga të hyrat vetanake të aprovuara 1 milion e 436 mijë e 260 euro janë shpenzuar 324 mijë e 403 euro ose 22.59% tha kryetari Zenun Elezaj. Foli edhe për mjetet e bartura dhe shpenzimet e tyre ku tha se në këtë pjesë ka pas procedura që kanë marrë kohë pasi që ende nuk është marrë aprovimi nga ministria e financave.

“Totali i shpenzimit të buxhetit deri me tani është 42.15 % ndërsa për informim, të hyrat e grumbulluara deri me tani janë 751 mijë e 100 euro dhe edhe pse ende nuk ka përfunduar 6 mujori i parë janë grumbulluar mbi 50% e të hyrave të planifikuara.” e përfundoj fjalën e tij kryetari Zenun Elezaj sa i përket shpenzimit të buxhetit.

Kryetari i Komunës foli edhe për procedurat e prokurimit dhe tha: “Kemi realizuar 58 kontrata prokurimi deri me tani me një sukses të kënaqshëm. Pothuajse e kemi përfunduar vitin buxhetor në lidhje me lidhjen e kontratave. Përgjithësisht mund të them se ky vit shoqërohet me një realizim të

mirë sepse kemi arritur që një pjesë të kontratave të i lidhim me kohë dhe ecuria e dinamikës po ece mirë. Një projekt që do të doja ta theksoi është ai i fundërruesit të ujit dhe ecuria është në nivel të mirë. Duke e pas parasysh nevojën e madhe të qytetarëve për ujë të pijshëm kemi bërë presion tek kompania që ky projekt të përfundoj sa më shpejt. Kontrata ka mbulesë dhe është e paraparë deri në fund të vitit. Përveç kësaj janë edhe disa kontrata të tjera. Projekti i fshatrave lindore të komunës për furnizim me ujë. Projekt i CDI i realizuar dhe tani menaxhohet komplet nga "Hidrodrini" dhe CDI. Janë disa probleme sipas informatave që kam se kompania "Hidrodrini" ka disa pengesa me KEDS në lidhje me largimin e një largpërçuesit. Në pjesën e Budisalcit është i njëjti projekt i ardhur nga CDI ku kam informata se është lëshuar uji, është mbush baseni me ujë dhe tani nisë faza e kycjes së qytetarëve. Kompania "Hidrodrini" do të vazhdoj me montimin e orëve matëse. Një fond është ndarë nga niveli qendror për kycjen e ekonomive në ujësjellës edhe për pjesën e Budisalcit edhe për pjesën e Gllareves ku do të jua mundësoj kycjen pa pagesë në ujësjellës." tha kryetari Elezaj duke jua dhënë fjalën qytetarëve prezent për bashkëbisedim.

z. Shaban Kuqi, Jashanicë: Janë dy lagje "Veselaj" dhe "Kuqi". Kemi mbetur pa rrugë. Kemi qenë tek kryetari na ka premtuar. Janë 150 metra të pa asfaltuara që ka ngel projekti në gjysmë. Po ashtu kemi kërkuar edhe të shtrohet me zhavorr rruga për tek varrezat. Për ujë mos të flasim fare, herë ka herë s'ka fare. Ne i kemi shtëpitë mbi "Shpat".

z. Zenun Elezaj, kryetar: Nuk e di që ka ndonjë rrugë pa shtruar në Jashanicë. Më kujtohet kur ju keni qenë tek unë. Më pastaj kam dalë në fshat kam prit që del dikush dhe më orienton por nuk ka dalë askush dhe as nuk kam parë rrugë të pashtuar. Sidoqoftë ne do të dalim prapë dhe do të shohim se ku është ajo rrugë e pashtuar. Asnjë rrugë nuk ka mbet pa shtruar, edhe e juaja do të shtrohet.

z. Shaban Kuqi: Kanë mbet rrugicat pa shtruar.

z. Fehmi Geci: Përshëndetje. Jemi bashkë këtu me banorë të lagjes në rrugën "Azem Desku". Rruga deri në 2013 ka qenë e kalueshme por në këtë vit ka ndërhy komuna dhe e ka bërë të pa kalueshme. Në zonë urbane me u krijua ky defekt nuk është normale. Konsiderojmë që kryetari i ka këshilltarët e vet, drejtorët dhe do të duhet të jenë më efikas. Kemi pasur një kërkesë ku kësaj kërkesë i është përgjigjur drejtorja e urbanizmit ku na kanë thënë se ajo pjesë i takon "Infrakosit" dhe s'kanë të të drejt të ndërhyjnë. Ne e dimë që të gjitha kërkesat që vijnë në kuvend komunal dhe që i i involvon edhe subjektet e tjera, kuvendoi komunal do të duhej të i shtyj tutje. Mungesa e vullnetit të drejtorisë së urbanizmit për ta takuar përfaqësuesin e "Infrakosit" bazuar në kërkesën tonë për të zhvilluar procedurë për shpallje interes të vecantë të asaj pjese dhe kalimin e saj në pronësi të komunës. "Infrakosi" Pas kërkesës sonë e ka dërguar në Komunë ku ka kërkuar lirim e pronës së uzurpuar. Pavarësisht prej kësaj Komuna nuk ka marrë asnjë veprim për lirim të asaj prone. Ne kërkojmë që të zbatoni afatet ligjore karshi përgjegjësive që keni. Rruga në kushte dimri nuk funksionon. Shpesh kemi raste kur kërcënohemi edhe me rrezik në komunikacion pasi që ajo rrugë lidhet direkt me rrugën kryesore dhe ka rrezik të krijohet ndonjë aksident fatal. Nuk është projekt shumë i madh që donë angazhim të veçantë, mund të i bashkëngjitet edhe ndonjë projekti tjetër. Ligji jua lejon. Kërkojmë që rrugën tonë ta trajtoni me rishikim të buxhetit.

z. Zenun Elezaj, kryetar: Sigurisht kërkesa e juaj është shqyrtuar. Ne kemi dalë në teren. Kjo rrugë është e vitit 2013 kur unë skam qenë kryetar komune. Kërkesës suaj ju jam përgjigjur dhe ju kam treguar që aty duhet ndërtuar një muri mbrojtës për arsye të rritjes së sigurisë. Ju kam tregu në telefon gjithashtu se jemi në kontraktim të një kompanie projektuese për këtë rast. Pra, është e nevojshme që të hartohet një projekt për atë rrugë. Jemi në proces të kontraktimit të kompanisë për hartimin dhe zbatimin e projekteve. Pas kontraktimit të kompanisë në fjalë, do të hartojmë projektin për atë rrugë dhe do ta kemi edhe buxhetin edhe gjitha të tjerat.

z. Hysen Ymeri: Përshëndetje. Unë kaloj rrugës "Martirët e Postaselit" ku kjo rrugë nuk është e shtruar. Është dashtë të shtrohet për hir të martirëve. Publikisht e them se kryetari i komunës nuk është fajtor aspak por ata rreth tij. Ata premtojnë e premtojnë dhe i fshehin ato premtime. Kërkesa e fundit është nga vëllai im. Kjo rrugë është në rrugën për në Gurakoc pasi të kalohet kisha katolike, 135 metra. Sikur mos ta kishte emrin "Martirët e Postaselit" nuk do të ankoheja. Ju bëjë thirrje të gjitha partive që të bashkohen dhe përkrahin kryetarin në punët e tij të mira. Ata që e rrethojnë kryetarin nuk po i kryejnë punët qysh duhet, të isha unë kryetar do ti shkarkoja të gjithë.

z. Zenun Elezaj, kryetar: E dijë ku është ajo rrugë. Me sa kam informata ka pasur pak probleme rreth pronësisë. Këtë vit ajo rrugë do të shtrohet sepse s'ka rrugë në qytet pa shtruar.

z. Lekë Gashi: Përshëndetje. Nuk e dijë nëse mund të bëjë hajr apo dëm nëse po flas por unë do të i them ato që kam për ti thënë. Sa e pash unë fshati Dobërdol nuk është përmendur askund as në kornizën afatmesme. Të investohet në Binq e të mos investohet në Dobërdol është e pa imagjinuar. Kanalizimi në Dobërdol nuk ka përfunduar. Rrugët e dëmtuara nga kompanitë e ndryshme që kanë bërë ndërtimin e rrjetit të ujësjes gjithashtu janë shumë të dukshme. Në fshatin Dobërdol nuk ka përfituar askush nga ndarja e serave. Jam i bindur që secili që ka marr një serë ka pas dike të vetin që ja ka mundësuar. Dobërdoli nuk ka ndriçim publik gjithashtu. Kërkoj që të aktivizohet zyra e gjendjes civile në Ujmir si dhe rregullimin e fushës sportive në Ujmir. Po ashtu dëshiroj të pyes , pengesat që po vendosen në rrugë me çfarë ligji a kriteri vendosen.

z. Zenun Elezaj, kryetar: Ne edhe në debatën publik për kornizën afatmesme që kemi pasur në Ujmir, kemi marrë disa kërkesa. Për pak ditë do të instalohet ndriçimi publik, do të rregullohen varrezat. Me sa dijë unë para dy viteve kemi shtruar të gjitha rrugicat në fshat dhe gjithashtu kanalizimin e ujërave të zeza. Nëse ka kërkesa për rrugë të reja ta bëjë dikush në emër të fshatit një kërkesë dhe ne do ta shqyrtojmë. Në lidhje me serat , ju tregoj që vitin e kaluar kemi ndarë 100 sera ndërsa kanë qenë mbi 200 aplikacione. E kemi rritë buxhetin dhe të gjithë që kanë aplikuar kanë marrë sera. Më vjen mirë për interesimin e qytetarëve për sera. Problemet e ndarjeve do të mundohemi të i minimizojmë por jua them se ndikimi im është minimal, nuk përzihem në atë drejtim.

z. Lekë Gashi: Nuk thash që ka rrugicë të pa shtruar, thash që kompanitë i kanë dëmtuar rrugët. Kanalizimi është instaluar dhe kryer me mjete vetanake , investime të vet banorëve.

z. Zenun Elezaj, kryetar: Kur kam ardhur në fshat nuk ka pas nevojë për kanalizim por nëse ndërkohë del nevoja atëherë do ta veprojmë gjithsesi.

z. Frrok Palushi, Kryshevë e madhe: Kam një kërkesë për ndriçimin e rrugës në fshat.

z. Zenun Elezaj, kryetar: Është e pamundur që të gjitha fshatrat e komunës të mbulohen përnjëherë me rrjetin e ndriçimit. Do të instalohet edhe në Kryshevë të madhe patjetër.


z. Lekë (pa prezantim), Dresnik: Kam problemin e ujësjellësit dhe askush nuk merret me atë punë. Sot kam qenë të drejtori dhe më tha se mos eja më për këtë punë. S' di me çfarë të drejte më thotë ashtu derisa unë shkoj në emër të fshatit. Ju lutem që të na trajtoni edhe ne sikurse të gjithë të tjerët dhe të kemi ujë. Një problem tjetër është se kapakët e pusëve të kanalizimeve janë vjedhur apo s' di çka dhe kanë mbetur të hapura duke rrezikuar që të bije ndonjëri brenda. Ju lutem gjithashtu që të përdorni autoritetin dhe të merrni masa të rregullohen këto probleme.

z. Zenun Elezaj, kryetar: Furnizimi me ujë në atë pjesë prej fillmi të Dresnikut ka vështirësi. Kohëve të fundit kompania regjionale i menaxhon kompanitë në komuna. Nëse ka ndonjë buxhet për ujësjellës nuk vjen fare në komunë por shkon direkt në kompaninë rajonale. Ne vjet kemi hy në bashkëfinancim dhe kemi instaluar një gyp me qëllim të rritjes së presionit të ujit dhe të furnizoheni më mirë ju në Dresnik. Unë do të interesohem personalisht që ta takoj drejtorinë e "Hidrodrinit" dhe të ju japim një zgjidhje.

Këtu edhe përfundon takimi i kryetarit me qytetarë të komunës.

Procesmbajtës:

Skënder Behramaj



Kryetari:

Zenun Elezaj

